

列君之近臣、死且不拜命、秀吉不能奪而止、由是龍伯重有信舊傳六月龍伯焚魔島、後秀吉如大阪譜龍伯是月家久得疾没、家久為人勇悍、佐龍伯經略鎮西、世惜之島津記、本書曰、且月家久見之、十六年、肥後人叛、攻其主佐、成政、義弘、崇兵救成政、明年賊平、歸魔島、餘黨守土頭輝、未匿出水、龍伯捕誅之譜八月、龍伯如京師、謁秀吉於聚樂第、世祿記、本書曰、初龍伯之降、實其愛女、至藤孝曰、二世登波、契羅奴、物遠、親登子、乃別連武袖乃哀連、遠茂志連、藤孝以獻秀吉、覽之、憫

然、即還其實是歲、龍伯叙三位法印、義弘四位侍從、前髮号、惟新譜、文祿元年、朝鮮之役、作惟新与黑田長政、大友義紗等、將第三軍、率一萬人、航海、久保從焉、正韓錄、秀吉譜、小西行長、加藤清正等、既下都城、據之、七月、朝鮮將元均、李舜臣等、列戰艦、巨濟、唐島、數十里、惟新与加藤嘉明、服坂安治等、攻唐島、奪虜艦、大戰海中、朝鮮兵素練水軍、我兵多死傷、惟新見其難於進退、令士卒曰、弗必取敵艦、彼求戰、則射卻之、既而虜兵疲、欽兵退、朝鮮征代記、本

後錄二年六月攻晉州之十月明將李如松來援朝
鮮我將宇喜多秀家等議都城旁築寨以備之帥
城東有金化春川二城使惟新守之時惟新在永
平城令島津豈久以五百人守春川明兵未圍豈
久告急惟新赴援擊却之既而明兵復來攻衆寡
不敵豈久謂士卒曰城壁未完救援不可致唯有
死耳乃為圓陣直衝明軍殊死戰大破之盡剿其
所獲獻之名護屋行營秀吉賜書賞之十二月惟
新父子徙金化、當咸鏡江原慶尚三道要衝

明兵三道來攻久保率輕騎突戰走之是歲龍伯
至名護屋謁秀吉會我臣梅北國兼田尻但馬叛
據佐敷城將攻八代既而肥後人松羅某安田某
誅二賊秀吉以國兼等叛為龍伯之罪將誅之
東照公為白其冤秀吉乃命龍伯還平餘賊而遂
歸罪於歲久賜之死其實修九尾之憾也証韓錄
文集略曰秀吉証韓時歲久患痔屢不能後有證
其非病者秀吉怒命細川山齊殺之未知是否
二年正月李如松逼都城小早川隆景与立花宗
茂等拒之碧蹄館惟新遣有馬重純注援宗茂宗

茂等既破明軍、晉州牧司出兵扼釜山王城之間、
二月、惟新自金化徙龍仁城、以備牧司、四月、議和、
諸將皆引兵退屯釜山、惟新屯唐島、六月、與諸將
俱攻晉州、踰月下之、還復屯唐島、九月、久保病卒、
于唐島、久保為人精悍、嘗出曠野、調騎射、明兵數
十騎來殺、牧葉豎、久保怒、單騎追明兵、斬二騎而
還、又嘗射獵、遇猛虎、負隅騰向、久保從者皆怖、
久保發銃斃之、惟新聞之、戒久保禁田獵、及卒、深
悼惜、以次子忠恒為嗣、証韓錄、按傳記、伊集院曰、

又八郎忠恒

陰謀殺之、三年、忠恒請秀吉從父於朝鮮、以十
而以病死同、月晦至唐島、四年、秀吉檢薩摩大隅、日向地、召惟
新、留忠恒發唐島、忠恒尋從加德島、六月、惟
新歸自朝鮮、謁秀吉於伏見、八月、歸慶島、慶長元
年、秀吉以和成、令諸將撤軍還、忠恒受惟新旨、守
加德島、証韓錄、二年、和敗、諸將再航海、惟新將
第五軍、証代譜、四月、入朝鮮、屯加德島、七月、諸將
進入慶州、惟新乃與期、令島津豈久從、加藤嘉
明、藤堂高序、服攻安泊、夜襲朝鮮、將元、均、擄舟師於

兩山而自與忠恒從陸攻之率兵三千抵唐島岡
舟師喊聲亦熒喊豐久跳登一敵艦其臣梓山某
先登中箭而倒甲斐某大^倉某繼之奮戰悉殺其
兵奪艦及天明虜艦三百艘未救諸將熒大砲急
攻虜棄艦上陸逃惟新預伏兵擊殲之奪艦百六
十艘斬首數千級溺死者至算秀吉賜書褒賞之
八月斬^惟新屬宇喜多秀家攻南原城時明將陳恩
衷守全州將援南原秀家聞之使惟新及加藤嘉
明備全州援路恩衷不敢出諸將夜襲南原守將

楊元自西門逃適月明如晝惟新望見與嘉明
等掩擊斬首四百級南原已陷恩衷棄全州走於
是慶尚全羅平定諸將相議小西行長統管全羅
道惟新統管慶尚道揭榜於二道令逃民還其鄉
里務農事逃匿不出者處之刑十月惟新與忠恒
入海南城點檢賦稅經略忠清道朝鮮人據城者
皆望風遁去至迎戰者遂還全羅道屯泗川三年
五月秀吉諭諸將悉罷歸獨畱惟新及加藤清正
小西行長等十餘將於是惟新築海畔以為根據

六即兵衛忠
玄著功賴豐

与忠恒守之号曰新寨使川上忠實相良賴豐勝
目兵右衛門守泗川江韓錄本書曰使川上忠實
混川也蓋對新寨有是名一本書乃以為別城而
後秀吉譜諸書改之今築望春永春昆陽固城金海
丑寨分兵守之譜吉九月明將董一元將兵二十
萬至晋州与望津隔江而屯憚我兵不敢濟江惟
新欲誘致以擊之命諸寨守將留兵而遷會明捕
虜郭國安在望津通款明裨將茅國畧、說一
元攻望津使國安為內應舉火為信至期國畧引

兵臨江既而寨中火起明兵濟江攻望津縱火
焚之忠恒請赴援惟新不許一元分兵攻陷永春
昆陽盡焚之我守兵走新寨一元已陷三寨意頗
輕我遣使求議和惟新欲之趣川上忠實等棄泗
川退忠實等將退會明兵夜來襲忠實拒戰獲明
驍將李寧黎明、兵益來我兵血戰炭鏡殪明將
盧得功忠實遂潰圍走相良賴豐戰沒勝目兵右
衛門副賴豐死曰我嘗与相良共約死生寧可負
乎即回馬冒明軍死忠恒聞泗川急請赴援惟新

即少輔貞

不許命伊勢貞昌往偵之、貞昌單騎馳赴泗川、遇
忠實與明兵、且戰且退、貞昌代殿而還、一城騷然、
將士皆悔不救望津、泗川、惟新曰、彼焚望津者、由
郭國安內應、猶可謂得計、今不據永春、毘陽、以窺
我虛實、乃并焚之、大軍野次、暴雨露、我知其易與、
且彼戰勝而驕、當不出三日而來、我深僻堅守、以
逸待勞、可一戰而殲也、若分兵四出、敵乘其虛、悔
何及、乃下令嚴禁、輕出、十月朔、一元果盡眾而來、
以國呂葉邦榮、彭信古、為先鋒、郝三聘、師道、立馬

呈文、藍芳威、分為左右軍、圍新寨、忠恒欲出拒、惟
新曰、未也、明兵以大熾、摧城門、拔柵、薄壘、我兵拒
戰、會敵熾、炸破、火藥、奔發、烟焰四迸、明軍亂、惟新
乃命忠恒曰、可笑、忠恒與數百騎、開門出戰、明軍
披靡、擊信古、兵大敗之、乘勝窮追、明兵三騎、忽回
馬向忠恒、一殪一騎、下馬持鐵、二騎迫之、忠恒
兵平田宗位、床並佐助、擊走二騎、忠恒馬逸、宗位
追獲馬、授忠恒、復馳追敵、三聘道立見信古
敗走、國呂邦彭榮、乘虛將以萬人、橫入城、惟新預

新左衛門宗位

整陣備之、島津忠長以百騎衝國冑邦榮軍、梓山
久高、寺山久兼等、方追北上北嶺、顧見忠長與國
冑等戰、乃繞出敵後、擊輜重、明兵驚擾、惟新命野
添某、本田某、援忠長、夾擊大敗之、國冑邦榮、走望
津、芳威望見先逃、國冑欲據望津以拒我軍、一乞
不聽、遂奔星州、我兵追至江而止、斬首三萬八千
級、盛其所剽、載於大樽、獻于名護屋行營、明音呼
島津為石曼子、自是明韓兵愈畏石曼子、參取正
韓錄秀
吉是月八月、奔吉以疾薨、至是凶問適至、諸將潛

相告、稍、治婦裝、明軍謀知、覘我後、然創新寨之
敗、不敢薄、十一月、惟新去新寨、至釜山、小西行長
有馬修理等、立將、在順天、明將陳璘、陳璘、鄧子龍、
馬文煥、李金、張良相等、將水陸軍八千、與朝鮮將
李舜臣、沉理、合兵、扼順天海口、列兵艦數百艘、行
長等不能退、惟新聞急、曰、令行長等死異域、我邦
之恥也、即與立花宗茂等、東艦赴援、子龍以輕軀
迎我兵、發大兵、摧其舸、獲子龍、舜臣未救、
擊破之、既而陳璘、李金、沉理、齊進、惟新勵士卒、弓

銳亂熒虜以火器投我艦、燒多溺死、惟新奮戰、
奪虜艦六艘、行長宗茂等俱扞戰卻之、順天圍解、
行長等自南海退、惟新與宗茂等至唐島、我臣梓
山忠正等艦為敵所燒、乃率兵上南海島、惟新反
舟迎取、行長等亦各以船赴援、我軍盡陣對馬、惟
新與諸將俱至伏見、秀吉嗣子秀賴、大老奉行
慰勞之、惟新從外征之役、前後七年、我得全兵而
還者、由新寨之捷也、錄取正韓四年正月、東照
公在伏見、時豈臣秀賴幼不能親政、公代裁決

天下事、與大老奉行、議外征諸將之功、以惟新功
最大、賜公田在薩摩者四萬石、藩譜三月、伊集院
忠棟有異志、忠恒誅之於伏見、第以其擅殺重臣、
屏居高雄、竊罪、公與大老奉行議、釋忠恒還伏
見第、忠棟子久直據邑叛、忠恒請暇還討之、公
遣其臣山口直文、遺之鏃二千、暑衣百領、又命寺
澤廣高赴援、久直乃降、藩譜烈祖成績武德安
真五年、公討上杉景勝、石田三成、與景勝合謀
起兵、移書遠近、抑留西諸侯、赴江戸者、先是惟新

志摩守廣孝
高

奉書 公明其志異志而三成固要之、黑田長政
勸惟新歸東軍、惟新素与三成善、遂應西軍、績成
七月、叢兵會大坂、与宇喜多秀家、小早川秀秋
等、攻拔伏見城、進至美濃、會大垣、八月、東軍攻
岐阜、惟新与三成等赴援、陣呂久川、遣兵三千
進至合渡、東將黑田長政、藤堂高序、東霧雨来
攻、我兵不利、敵追至呂久川、惟新謂三成曰、前
軍雖敗、吾与子整兵、橫擊、則勝、三成不從、收兵
還大垣、東軍已拔岐阜、進屯赤阪、關原九月十

岡山今呼曰
脚勝山

四日 公軍岡山、惟新欲及暮潛兵、嚴赤阪、及
岡山營、三成曰、明日之戰、保必勝、不須夜戰、惟
新曰、何以保之、三成曰、田中兵部通於我、約內
應、惟新曰、是豈足信乎、吾恐为其所誑、今內府
新来、兵疲、宜及止、舍未定而擊之、必有利、三成不
從、慶長軍記、本書曰、初三成遣書田中兵部、招之、
信之、兵部獻其書、東照公、使兵部伴應鳥、三成
從、惟新言、味爽、東西軍大集、關原、惟新率四千人
渡藤川、陣玉村、三成陣其左、小西行長陣其右、宇
喜多秀家又陣其右、關原惟新馳使行長趣戰、行

長不肯大原記東將并伊直政奉下野守忠吉率
輕騎來突我先鋒、與接戰既而忠吉直政以
其全隊與細川忠興、稻葉典通、加藤貞泰等合兵
來戰、惟新分兵為八隊、更代而戰、東西交鋒、烟塵
蔽空、西軍勢甚熾、三成以麾下兵二千、橫衝東軍、
為本多忠勝所破而退、忠勝又橫擊我先鋒、
敗、三成秀家前軍亦為黑田長政、福島正則所破、
行長先衆敗走、於是惟新與三成秀家各以麾下
兵殊死戰、勢又張、會小早川秀秋、應東軍、擊大谷

刑部少輔正
之正則子

吉隆、東軍竟進、由是西軍大敗、三成秀家走膳吹山、
惟新謂我雖敗、卻走非武、率殘兵五百、以鏡自環、取
路多羅尾山、直逼東軍、而南、福島正之遏之、我兵擊卻
之、東軍猶尾擊、島津豈久以二百騎、逐戰死、惟新自
度不免、將決死、阿多盛淳叩馬曰、是非大將死所、請
君破一方退、回其馬驅之、自留植牙旗、呼曰、島津義
弘死于此、東軍奮集、盛淳奮戰、與部兵十餘人共
死、惟新得間脫走、既而忠吉直政又率輕騎追躡、
惟新令親兵、以檜島鏡狙射、直政傷臂而退、誌記